

ნელისა და სანიტარიულ-ჰიგიენური (WASH) მდგრადი განვითარების შეფასება კახეთისა და ევროპული კარტლის რეგიონისათვის

პოლიტიკის ანალიზი და რეკომენდაციები



ევროკავშირი
საქართველოსთვის
The European Union for Georgia

CENN
Shaping the Future by Changing Today

„ეს დოკუმენტი შექმნილია ევროკავშირის მხარდაჭერით.
მის შინაარსზე სრულად პასუხისმგებელია CENN და არ ნიშნავს, რომ იგი
ასახავს ევროკავშირის შეხედულებებს“.

წყლისა და სანიტარიულ-ჰიგიენური (WASH) მდგომარეობის შეფასება კახეთისა და ქვემო ქართლის რეგიონებში

პოლიტიკის ანალიზი და რეკომენდაციები

დოკუმენტის მიზანი

დოკუმენტის მიზანია, გადაწყვეტილების მიმღებ პირებს გააცნოს წყლის, სანიტარიისა და ჰიგიენის (WASH) მდგომარეობის შესახებ არსებული ვითარება კახეთისა (მუნიციპალიტეტები: ახმეტა, ლაგოდეხი და საგარევო) და ქვემო ქართლის (მუნიციპალიტეტები: დმანისი, თეთრიწყარო, მარნეული და წალკა) რეგიონების 7 მუნიციპალიტეტების საჯარო სკოლებში, საბავშვო ბაღებში, სოფლის ამბულატორიებსა და მოწყვლადი მოსახლეობის კოლექტურ დასახლებებში. დოკუმენტი მოიცავს ინფორმაციას, როგორც WASH მიმართ სამიზნე ობიექტებისათვის წაყენებულ ზოგად მოთხოვნებზე, ასევე შეფასების პროცესში გამოყენებულ მეთოდოლოგიასა და ძირითად მიგნებებზე/ რეკომენდაციებზე.

შეფასება ჩატარდა ევროკავშირის მიერ დაფინანსებული პროექტის „წყალი სიღარიბის აღმოსაფხვრელად“ ფარგლებში, რომელსაც CENN ახორციელებს ორ ორგანიზაციასთან ერთად: „ადამიანის უფლებათა ცენტრი“ და „ქალი და სამყარო“.

შეფასების მეთოდოლოგია

საჯარო სკოლებში, საბავშვო ბაღებში, სოფლის სამედიცინო პუნქტებსა და მოწყვლადი მოსახლეობით (ეკომიგრანტებით, სოციალურად დაუცველი პირებით) დასახლებულ კოლექტურ ცენტრში წყლისა და სანიტარიულ-ჰიგიენური პირობების შესახებ მონაცემებმა **ხუთი ძირითადი** საკითხის ირგვლივ მოიყარა თავი.

კვლევა მოიცავდა რაოდენობრივ და, ნაწილობრივ, თვისობრივ კომპონენტებს. კვრძოდ, კვლევის ჩასატარებლად სკოლებში გამოყენებულ იქნა გაერო-ს ბავშვთა ფონდის მიერ შემუშავებული სკოლებში წყლის, სანიტარიული და ჰიგიენური პირობების გლობალური შეფასებისა და მონიტორინგის (WASH) მეთოდოლოგია, რომელიც მოიცავს 2 ძირითად მიმართულებას: ა) სკოლის დირექტორებთან/ადმინისტრატორებთან პირისპირ ინტერვიუს, ბ) ინფრასტრუქტურასა და მოსწავლეთა ჰიგიენურ ქცევაზე დაკვირვებას. შერჩევის ნიშნებს წარმოადგენს: რეგიონი, დასახლების ტიპი (ქალაქი/სოფელი), ეთნიკურობა – სწავლების ენა (ქართული/არაქართული) და მოსწავლის შესაძლებლობები.

ამგვარად, კითხვარი შემუშავდა WASH-ის კვლევის მეთოდოლოგიის საფუძველზე და მოიცავს შემდეგ ძირითად საკითხებს: წყალი, სანიტარია, ჰიგიენა, ნარჩენები, ოპერირება.

წყალი: წყალმომარაგების წყაროები და წყლის უვნებლობა, წყლის ოდენობა, წყლის ხელმისაწვდომობა მოწყვლადი ჰგულებისათვის.

სანიტარია: ტუალეტების (ჭიხურების) რაოდენობა და მდებარეობა, განაწილება და ხელმისაწვდომობა გენდერულ ჭრილში და ხელმისაწვდომობა მოწყვლადი ჰგულებისათვის.

ჰიგიენა: ხელსაბანი ნიჟარების ოდენობა და განაწილება; საპონი/ტუალეტის ქაღალდის ხელმისაწვდომობა; ჰიგიენის სწავლების პრაქტიკა სკოლაში.

ნარჩენები: მყარი ნარჩენების გატანა; ჩამდინარე წყლის გადინება.

ოპერირება: წყალმომარაგების ობიექტების გამართულობა; სანიტარიული ობიექტების გამართულობა და სისუფთავე.

კვლევის ფარგლებში მნიშვნელოვან ამოცანას წარმოადგენდა სანიტარიულ-ჰიგიენური პირობების თვალსაზრისით განსხვავებების იდენტიფიცირება სკოლის ადგილმდებარეობის, მოსწავლეთა კონტინგენტისა და რეგიონული თავისებურებების მიხედვით. აქცენტი გაკეთდა აგრეთვე წყლისა და სანიტარიული საშუალებების ხელმისაწვდომობაზე ეთნიკური უმცირესობების ბავშვებთან მიმართებაში. ცალკე პუნქტებად იქნა შეფასებული დაწყებითი კლასის მოსწავლეებისა და შეზღუდული შესაძლებლობების მქონე (შმმ) ბავშვების ამ საშუალებებზე ხელმისაწვდომობის საკითხები.

საბავშვო ბაღებში შეფასებისას დამატებით იქნა გათვალისწინებული საქართველოს შრომის, ჯანმრთელობისა და სოციალური დაცვის მინისტრის 2016 წლის 28 ივლისის №01-172/ო ბრძანებით შემუშავებული გაიდლაინი: „წყალი, სანიტარია და ჰიგიენა საბავშვო ბაღებში“.

მოწყვლადი მოსახლეობით დასახლებულ კოლექტურ ცენტრებში წყლისა და სანიტარიული პირობების შეფასების მიზნით დამატებით გამოყენებულ იქნა Mercy Corps მიერ მოწოდებული სპეციალური სახელმძღვანელო (Mercy Corps - WASH Guidelines). შემფასებლის მიერ წინასწარ განხორციელდა სახელმძღვანელოში მითითებული კითხვარის ადაპტირება და ადგილობრივ რეალობაზე მორგება. თუმცა ამ შემთხვევაშიც ძირითადი თემები იგივე დარჩა:

წყალი, სანიტარია, ჰიგიენა, ნარჩენები და ოპერირება. ანალოგიური მეთოდით განხორციელდა სოფლის სამედიცინო ამბულატორიების შეფასება.

კვლევის შედეგების დამუშავების მიზნით განხორციელდა სტრუქტურული კითხვა-რების სათანადო კოდირება. ცალკე ჩატარდა მუნიციპალიტეტებიდან გამოთხოვილი ინფორმაციისა თუ ხელმძღვანელ პირებთან ჩატარებული შეხვედრების ანალიზი. მონაცემების დამუშავების შედეგად მომზადდა ძირითადი მიგნებები და რეკომენდაციები კვლევის ლოკაციებში შემდგომი ინტერვენციების დასაგეგმად.

რაც შეეხება კონკრეტულ სამიზნე ობიექტებს, მათი შერჩევა განხორციელდა წინასწარ შემუშავებულ კრიტერიუმებზე დაყრდნობით. კრიტერიუმები ითვალისწინებდა შემდეგ ძირითად საკითხებს: შესაფასებელი თემის სოციალურ-ეკონომიკური მდგომარეობა, ობიექტებში WASH-ის საკითხების პრიორიტეტულობა, ბენეფიციარების (მაგ., მოსწავლეების) რაოდენობა და მათი დამოკიდებულება WASH-ის საკითხებთან, საკითხების მიმართ ინტერესი და პრიორიტეტულობა, მუნიციპალიტეტის მზადყოფნა თანამშრომლობაზე და ა.შ.

შეფასების პროცესს თან ახლდა რამდენიმე მნიშვნელოვანი შეზღუდვა, რომლებმაც გარკვეული ზეგავლენა მოახდინა მიღებულ მიგნებებზე:

1. სამიზნე ობიექტების დიდი რაოდენობისა და ლიმიტირებული დროის გამო ყველა ობიექტზე ვერ მოხერხდა მეთოდოლოგის ზუსტი დაცვა (თავდაპირველად ობიექტზე დაკვირვება და შემდეგ გასაუბრება მენეჯმენტთან).
2. შეფასების განხორციელების პროცესი დროის გარკვეულ ეტაპზე დაემთხვა სასკოლო არდადეგების პერიოდს. ამიტომ როგ შემთხვევებში ძნელი იყო WASH-ის მიმართულებით რეალური სურათის ზუსტად დადგენა როგორც მენეჯმენტის, ისე მოსწავლეთა ქცევის/ცნობიერების თვალსაზრისით. მაგალითად, დირექცია ხშირად აცხადებდა, რომ საპონი ყველა ხელსაბანთან იყო ხელმისაწვდომი და ბავშვებიც ხელს იბანდნენ კრიტიკულ მომენტებში (მაგ., ტუალეტით სარგებლობის შემდეგ, ჭამის წინ). თუმცა, არსებული რეალობიდან გამომდინარე, ამ ფაქტების პრაქტიკული შემოწმება შეუძლებელი იყო.
3. წყლის ხარისხის შესახებ ინფორმაცია ძირითადად მოპოვებული იქნა შეფასებული ობიექტების მენეჯმენტის მიერ მოწოდებულ ინფორმაციაზე დაყრდნობით. მხოლოდ ობიექტების მცირე ნაწილმა წარმოადგინა წყლის ლაბორატორიული კვლევის შედეგები. შეფასების პროცესში დამატებით არ მომხდარა წყლის სინკების აღება და მათი ლაბორატორიულად გადამოწმება. ამგვარად, ანგარიშში მოყვანილი ინფორმაცია წყლის ხარისხის შესახებ, ძირითადად, მენეჯმენტის მიერ მოწოდებულ ინფორმაციასა და ანგარიშის ავტორის მიერ წყლის ორგანოლეპტიკური თვისებების (ფერი, სუნი, გემო) სუბიექტურ შეფასებას ეფუძნება.

შეფასების პროცესში აღმოჩნდა ისიც, რომ სამიზნე მუნიციპალიტეტებში ფაქტობრივად არ არსებობდა მოწყვლადი მოსახლეობით (ეკომიგრანტებით, სოციალურად დაუცველი პირებით) დასახლებული კოლექტიური საცხოვრებლები: განხორციელდა მხოლოდ ერთი შეფასება – დმანისში მდებარე „ეკომიგრანტთა“ კოლექტიური ცენტრისა.

წყალი, სანიტარია და ჰიგიენა სკოლებში: ბოგადი მოთხოვნები

საქართველოს ტერიტორიაზე არსებული სკოლის შენობები წყალ-საკანალიზაციო სისტემების მიხედვით იყოფა ორ პირობით კატეგორიად: „ა“ და „ბ“ კატეგორიებად. „ა“ კატეგორიას მიეკუთვნება ყველა ის სკოლა, რომელიც მდებარეობს ქალაქში, რაიონულ ცენტრში, დიდ სოფელში ან ნებისმიერ ისეთ ადგილას, სადაც ფუნქციონირებს ცენტრალური წყალ-საკანალიზაციო სისტემა. „ბ“ კატეგორიად მიიჩნევა ყველა ის სკოლა, რომელიც მდებარეობს მაღალმთიან რაიონში, პატარა სოფელში ან ნებისმიერ ისეთ ადგილას, სადაც არ არსებობს ცენტრალური წყალ-საკანალიზაციო სისტემა.

„ბ“ კატეგორიის სკოლები იყოფა ორ ჯგუფად:

I ჯგუფი – სკოლის შენობები, სადაც სტანდარტების მოთხოვნით შესაძლებელია შიდა სანიტარიული კვანძის მოწყობა.

II ჯგუფი – სკოლები, სადაც შიდა სანიტარიული კვანძის მოწყობა არსებული დაგეგმარებით მოუხერხებელია.

აცილებელ მოთხოვნას წარმოადგენს, რომ „ბ“ კატეგორიის ყველა სკოლა მარაგდებოდეს სასმელი და ხელის დასაბანი წყლით. სასმელად გამოყენებული წყალი კანონმდებლობით დადგენილი წესით უნდა იყოს შეფასებული შესაბამისი კომპეტენტური სამსახურების მიერ სასმელად ვარგისიანობაზე. აღნიშნული პირობის დაკმაყოფილების შემთხვევაში შესაძლებელია სასმელად გამოყენებულ იქნეს წყაროს ან არტეზიული ჭიდან მოპოვებული წყალი. ასეთის არქონის შემთხვევაში უნდა მოხდეს სასმელი წყლის მომარაგება და სათანადო შენახვა ჰიგიენური პირობების დაცვით.

არტეზიული ჭა უნდა იყოს ტექნოლოგიურად დაცული გარედან რაიმე სახის დაბინძურებისგან. შესაბამისმა სამსახურებმა პერიოდულად უნდა შეამოწმონ წყალი სასმელად ვარგისიანობაზე (განსაკუთრებით – წყალდიდობებისა და ბუნების სხვა სტიქიური მოვლენების შემდეგ). ხოლო სანიტარიული კვანძის მომსახურებისათვის, შესაძლებელია, გამოყენებულ იქნეს სამარაგე ავტში შეგროვილი ბუნებრივი ნალექები ან სხვა ტიპის ტექნიკური წყალი, თუმცა აღნიშნული არ შეიძლება გამოყენებულ იქნეს სასმელად და ხელის დასაბანად.



სასმელი წყლის ხარისხის პიგიენური პარამეტრები

სასმელად უვარგისი წყლის მოხმარებასთან დაკავშირებული რისკები შეიძლება იყოს მოკლევადიანი, საშუალო და გრძელვადიანი. გრძელვადიანი მიკრობული რისკი დაკავშირებულია მიკროორგანიზმებით დაბინძურებული წყლის რეგულარულ და ხანგრძლივ მოხმარებასთან, ხოლო ეპიდემიური რისკი – ძალიან ვირულენტური მიკროორგანიზმებით დაბინძურებული წყლის მოხმარებასთან.

სკოლაში სასმელად გამოყენებული წყალი უნდა იყოს უსაფრთხო ჯანმრთელობისათვის და მისი ხარისხი შეესაბამებოდეს საქართველოს შრომის, ჯანმრთელობისა და სოციალური დაცვის მინისტრის ბრძანებით დადგენილ მოთხოვნებს. „სასმელი წყლის ტექნიკური რეგლამენტის დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 17 დეკემბრის N 349/6 ბრძანებით განსაზღვრულია სასმელი წყლის ხარისხის შემდეგი მაჩვენებლები და მათი ნორმატიული სიდიდეები:

- ორგანოლეპტიკური მაჩვენებლები.
- მიკრობიოლოგიური, ვირუსოლოგიური და პარაზიტოლოგიური მაჩვენებლები.
- ქიმიური მაჩვენებლები (ზოგადი მაჩვენებლები, არაორგანული და ორგანული ნივთიერებები).
- რადიაციული უსაფრთხოების მაჩვენებლები.
- წყლის დამუშავების პროცესის შედეგად წარმოქმნილი მავნე ქიმიური ნივთიერებების ნორმატივები.

რეგლამენტით განსაზღვრულია მოთხოვნები სასმელი წყლის უსაფრთხოებისათვის:

- სასმელი წყალი უნდა იყოს უსაფრთხო ეპიდემიური და რადიაციული თვალსაზრისით, ქიმიური შემადგენლობით – უვნებელი და პქონდეს კეთილსასურველი ორგანოლეპტიკური თვისებები.
- სასმელი წყლის ხარისხი უნდა აკმაყოფილებდეს ამ ტექნიკური რეგლამენტით დადგენილ სანიტარიულ ნორმებს.

- სასმელ წყალში არ დაიშვება შეუიარაღებელი თვალით შესამჩნევი წყლის ორგანიზმებისა და ზედაპირული აპკის არსებობა.
- სასმელი წყლის ეპიდემიური უსაფრთხოება განისაზღვრება მიკრობიოლოგიური, ვირუსოლოგიური და პარაზიტოლოგიური მაჩვენებლების რეგლამენტით დადგენილ ნორმატივებთან შესაბამისობით.

ზოგადი მოთხოვნები წყლით უზრუნველყოფისადმი სკოლაში

- სკოლას უნდა ჰქონდეს სასმელი და სამეურნეო დანიშნულების წყალმომარაგების სისტემა.
- სკოლის წყალმომარაგების სისტემა უნდა უზრუნველყოფდეს უსაფრთხო და საკმარისი რაოდენობით წყლის მიწოდებას სასმელი და სამეურნეო მიზნებისათვის (ხელის დაბანა, საკვების მომზადება, ტუალეტების ჩარეცხვა, სათავსების დასუფთავება).
- სკოლაში სასმელად გამოყენებული წყალი უნდა იყოს უსაფრთხო ჯანმრთელობისათვის და მისი ხარისხი შეესაბამებოდეს „სასმელი წყლის ტექნიკური რეგლამენტის დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 17 დეკემბრის N349/ნ ბრძანებით დადგენილ მოთხოვნებს.
- სკოლისათვის მიწოდებული სასმელი წყლის ხარისხის კონტროლი უნდა ხორციელდებოდეს „სასმელი წყლის ტექნიკური რეგლამენტის დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 17 დეკემბრის N349/ნ ბრძანებით დადგენილი წესით.
- წყალმომარაგების ცენტრალიზებული სისტემის არარსებობის ან წყლის შეფერხებებით მოწოდების შემთხვევაში სკოლას აუცილებლად უნდა ჰქონდეს წყლის რეზერვუარი (ავზი).

- წყლის რეზერვუარი საქმარისი მოცულობის თავდახურულ ავტს უნდა წარმოადგენდეს, რომელიც პერიოდულად გაიწმინდება და ჩაუტარდება დეზინფექცია.
- წყლის რეზერვუარების დამუშავების პერიოდულობის კონტროლის მიზნით აუცილებელია ჩატარებული სამუშაოების სათანადო აღრიცხვა შესაბამის შურნალში.
- წყლის ავტების დამუშავება ყოველთვიურად უნდა ჩატარდეს, ხოლო სასმელი წყლის რეზერვუარში წყლის ცვლა უნდა ხდებოდეს ყოველ 48 საათში.
- წყლის რეზერვუარის დეზინფექციის ჩასატარებლად გამოყენებულ უნდა იქნეს საქართველოს შრომის, ჯანმრთელობისა და სოციალური დაცვის სამინისტროს მიერ რეგისტრირებული სადეზინფექციო საშუალება.
- სასმელი წყლის წყაროს შეიძლება წარმოადგენდეს ჭა, რაც ასევე საჭიროებს განთავსების, მოვლისა და უსაფრთხოების სანიტარიული წესებისა და პიგიუნური ნორმების დაცვას; კერძოდ:
 - ა) ჭა უნდა განთავსდეს არანაკლებ 30 მეტრის დაშორებით დაბინძურების ნებისმიერი წყაროსგან (მაგალითად, გარე სანიტარიული კვანძისაგან);
 - ბ) დაუშვებელია პესტიციდების გამოყენება ჭიდან 100 მეტრის რადიუსში;
 - გ) ჭა მუდმივად უნდა მოწმდებოდეს სტრუქტურული მთლიანობის დასადგენად;
 - დ) ჭის გარშემო უნდა მოეწყოს ღობე ცხოველებისაგან დასაცავად;
 - ე) ჭის გარშემო უნდა მოეწყოს სადრენაჟო სისტემა ზედაპირული და დაღვრილი წყლით დაბინძურების თავიდან ასაცილებლად;
 - ვ) წყლის ამოსაღები ჭურჭელი სუფთად უნდა ინახებოდეს;
 - ზ) ჭა თავდახურული უნდა იყოს.
- სკოლას უნდა პქონდეს სათანადოდ აღჭურვილი სასმელი წყლის წერტილები, რომლებიც ხელმისაწვდომი იქნება მოსწავლეებისა და სკოლის პერსონალისათვის, მათ შორის – შეზღუდული შესაძლებლობების მქონე პირთათვის.
- სასმელი წყლით მოსწავლეთა უზრუნველყოფა დასაშვებია როგორც წყლის დისპენსერების ან წყლის შადრევნების, აგრეთვე წყლის კონტეინერების გამყენებით; ამასთან:
 - ა) წყლის კონტეინერი ყოველდღიურად ან ყოველი დაცლისას უნდა გაირეცხოს;



- ბ) წყლის კონტეინერს მქიდრო თავსახური უნდა ჰქონდეს;
- გ) წყლის კონტეინერი უნდა იდგეს მაგიდაზე ან თაროზე და არა იატაკზე.

- წყლის დისპენსერები უზრუნველყოფილ უნდა იქნეს ერთჯერადი გამოყენების ჭიქებით, ხოლო წყლის დისპენსერის სინქრონულ რეჟიმში მომუშავე ავტი უნდა ექვემდებარებოდეს პერიოდულ გამორეცხვასა და დეზინფექციას.
- სასმელი წყლის მიკრობიოლოგიური უსაფრთხოების უზრუნველყოფის მიზნით სკოლის ადმინისტრაციის მიერ უნდა ხორციელდებოდეს იმ სასმელი წყლის გაუვნებელყოფა, რომელიც დაუცველი წყაროდან მოეწოდება.
- სასმელი წყლის გაუვნებელყოფა სკოლაში უნდა ხორციელდებოდეს საქართველოს კანონმდებლობით დადგენილი მეთოდებისა და წესების გამოყენებით.
- ხელმისაწვდომი, ხარისხიანი და საკმარისი სასმელი წყლით მომარაგების უზრუნველყოფა გათვალისწინებულ უნდა იქნეს სასკოლო ბიუჯეტით.

სკოლაში სანიტარიულ-ჰიგიენური პირობების უზრუნველყოფისადმი მიმართული ზოგადი მოთხოვნები

სკოლაში არსებული ტუალეტი უნდა იყოს: სათანადოდ აღჭურვილი, მოხერხებული, პრივატული, დაცული, სუფთა, საზოგადოების კულტურული და სოციალური განვითარების დონისათვის შესაფერისი, ხელმისაწვდომი სკოლის მოსწავლეებისა და პერსონალისათვის, მათ შორის – შებღუდული შესაძლებლობების მქონე პირებისათვის. რადგან ჩვენი შეფასება უმთავრესად ეხება „ბ“ კატეგორიის II ჯგუფის სკოლებს, ქვემოთ მოყვანილია მათ მიმართ წაყენებული ძირითადი მოთხოვნები:

- „ბ“ კატეგორიის სკოლების II ჯგუფისათვის გარე სანიტარიული კვანძი უნდა მოეწყოს სეპტიკური ავტის თავზე ან ცალკე შენობაში, რომელიც მიღვაყვანილობით იქნება დაკავშირებული სეპტიკურ ავტან.

- გარე სანიტარიული კვანძი სკოლის შენობიდან, სათამაშო და დასასვენებული მოედნიდან დაშორებული უნდა იყოს არანაკლებ 20 და არაუმეტეს 100 მეტრით. ხოლო ტუალეტის დაშორება ჭებისა და წყალმომარაგების წყაროების კაპტაჟებიდან უნდა შეადგინდეს 30-50 მ-ს.
- გარე სანიტარიულ კვანძს აუცილებელად უნდა ჰქონდეს:
 - ა) საასენიზაციო სეპტიკი წყალგაუმტარი ფსკერით, კედლებითა და სახურავით;
 - ბ) მწერების შეღწევის სანინააღმდეგო ბადით აღჭურვილი სავენტილაციო მილი;
 - გ) ბუნებრივი და ხელოვნური განათება;
 - დ) ხელსაბანი;
 - ე) ტუალეტთან მისასვლელი მოკირნყლული ბილიკი;
 - ვ) სკოლის ტუალეტებში უზრუნველყოფილი უნდა იყოს პრივატულობა და დაცულობა.
- იმ სკოლებში, სადაც არ არის უზრუნველყოფილი მუდმივი წყლის მიწოდება, უნდა დამოწაჟდეს სამარაგო ავტი სანიტარიული კვანძების წყალმომარაგების მიზნით.
- სოფლად და იმტერიტორიებზე, სადაც არ არის წყალ-საკანალიზაციო გაყვანილობა, ეზოს ტუალეტები სანიტარიული წესებისა და ჰიგიენური მოთხოვნების შესაბამისად უნდა იქნეს მოწყობილი.
- ტუალეტების დასუფთავება და ტექნიკური გამართულობის შემოწმება რუტინულად უნდა ხორციელდებოდეს სკოლაში, რათა მუდმივად იქნეს უზრუნველყოფილი სუფთა და ფუნქციონირებადი ტუალეტების ხელმისაწვდომობა მოსწავლეებისა და სკოლის პერსონალისათვის.
- სკოლის ადმინისტრაციის მიერ დადგენილ უნდა იქნეს ტუალეტების დასუფთავების წესები, პერიოდულობა, დასუფთავებისათვის განკუთვნილი ინვენტარისა და გამოყენებული ჰიგიენური საშუალებების ნუსხა.
- სანიტარიული კვანძის დასუფთავებისათვის უნდა გამოიყენებოდეს სპეციალურად ამ მიზნებისათვის განკუთვნილი სათანადოდ მარკირებული ინვენტარი, რომელიც ინახება განცალკევებით და ექვემდებარება დამუშავებას ყოველი სამუშაო დღის დასრულების შემდეგ.

- სკოლის სათავსების დასუფთავებისათვის გამოყენებული საყოფაცხოვრებო ქი-მიური და სადეტინფექციო საშუალებები უნდა ინახებოდეს სპეციალურად ამ მიზნისათვის განკუთვნილ, ჩაკეტილ სათავსში/კარადაში თავდაპირველი შეფუ-თვით, რათა შესაძლებელი იყოს დიფერენცირება მარკირების მიხედვით და არ იყოს ხელმისაწვდომი გარეშე პირთათვის.
- სკოლის წლიურ ბიუჯეტში გათვალისწინებული უნდა იყოს სანიტარიული კვანძების დასუფთავების, საპნითა და ხელის გამშრალების საშუალებით უზრუნველყოფის ხარჯები.

ზოგადი მოთხოვნები დასუფთავებისა და ნარჩენების მართვის უზრუნველყოფისადმი

- სკოლის ტერიტორია ყოველდღიურად უნდა დასუფთავდეს, ხოლო ნაგავი მოგროვდეს და ჩაიყაროს ეზოში არსებულ თავსახურიან ნაგავშემკრებ კონტე-ინერებში, რომლებიც სკოლის შენობიდან 25-30 მეტრის მოშორებით უნდა იყოს განთავსებული.
- სკოლაში ყოველდღიურად უნდა ხორციელდებოდეს მყარი ნარჩენების შეგროვება საკლასო ოთახებში, სამზარეულოში, ადმინისტრაციულ და სხვა სათავსებში და უზრუნველყოფილ იქნეს უსაფრთხო გატანა სკოლის შენობიდან.
- ნაგვის კონტეინერების დაცლა მათი 3/4-ით გავსებისთანავე უნდა ხდებოდეს, რომ არ გადაიგაოს.
- ნაგვის ლაპობისა და ხრწნის თავიდან აცილების მიზნით ყოველდღიურად უნდა ხდე-ბოდეს კონტეინერების გატანა სკოლის ტერიტორიიდან, განსაკუთრებით – წლის თბილ პერიოდში. კონტეინერები უნდა გაირეცხოს ყოველთვიურად და ჩაუტარდეს დეტინფექცია (10%-იანი ქლორიანი კირის ხსნარით 60 წთ-ის განმავლობაში ან სხვა ნებისმიერი შესაბამისი დეტინფექტანტით).
- სკოლაში უზრუნველყოფილი უნდა იყოს ნახმარი წყლების მოცილება/არინება და სეპტიკური ავტომატური დაცლა დროულად და უსაფრთხოდ.



- სკოლის ადმინისტრაციის ორგანიზებით, სპეციალიზებული სამსახურის მეშვეობით, უნდა ჩატარდეს ნარჩენების კონტეინერების განთავსების ადგილის, ასევე საწყობებისა და სარდაფების პერიოდული დამუშავება მწერებისა და მღრღნელების გამრავლების საწინააღმდეგო საშუალებებით (დეზინსექცია, დერატიზაცია).

სასმელი წყლის ხარისხი და სანიტარია საბავშვო ბაღებში

საქართველოს შრომის, ჯანმრთელობისა და სოციალური დაცვის მინისტრის მიერ დამტკიცებულია საბავშვო ბაღებში წყლისა და სანიტარია-ჰიგიენის გაიდლაინი 2016 წლის 28 ივლისის №01-172/ო ბრძანებით. გაიდლაინის მიხედვით განსაზღვრულია წყლის ხარისხი და უსაფრთხოება, რაოდენობა, სანიტარიული კვანძების მოწყობის საკითხი და ჰიგიენის ხელშეწყობა.

წყლის ხარისხი და უსაფრთხოება

სასმელი, საკვების მოსამზადებელი, პერსონალური ჰიგიენის, დასუფთავებისა და რეცხვისათვის განკუთვნილი წყალი უსაფრთხოა და აკმაყოფილებს შესაბამისი კატეგორიის წყლისათვის დადგენილ სტანდარტებს.

ინდიკატორები:

1. სასმელი წყლის მიკრობიოლოგიური ხარისხი;
2. *Escherichia coli* და თერმოტოლერანტული კოლიფორმული ბაქტერიები არ იქნა აღმოჩენილი არცერთ 1,000 მლ-იან სინკვეტი;
3. სასმელი წყლის გაუვნებელყოფა;

4. მიკრობიოლოგიური უსაფრთხოების უზრუნველყოფის მიზნით ხორციელდება იმ სასმელი წყლის გაუვნებელყოფა, რომელიც დაუცველი წყაროდან მოეწოდება.
5. სასმელი წყლის ქიმიური და რადიაციული უსაფრთხოებისა და ხარისხის უზრუნველყოფა;
6. სასმელი წყალი აკმაყოფილებს ჯანმრთელობის მსოფლიო ორგანიზაციისა და საქართველოს კანონმდებლობით დადგენილ ქიმიური და რადიაციული უსაფრთხოების მოთხოვნებს.
7. სასმელი წყლის კეთილსაიმედოობა /ორგანოლეპტიკური თვისებები;
8. სასმელი წყლის სუნი, ფერი და გემო აკმაყოფილებს მოქმედი კანონმდებლობით დადგენილ მოთხოვნებს და არ არსებობს უარის თქმის საფუძველი მის მოხმარებაზე.
9. სხვა დანიშნულების წყალი;
10. წყალი, რომელიც თავისი ხარისხით ჩამორჩება სასმელი წყლის ხარისხს, თუმცა აკმაყოფილებს უსაფრთხოების ზოგად მოთხოვნებს, გამოიყენება მხოლოდ დასუფთავების, რეცხვისა და ტუალეტების ჩასარეცხად.

წყლის რაოდენობა

უზრუნველყოფილია საკმარისი რაოდენობის წყლის მუდმივი ხელმისაწვდომობა სასმელად, პირადი ჰიგიენისათვის, საკვების მოსამზადებლად, დასუფთავებისა და რეცხვისათვის.

წყლის საჭიროებათა საბაზისო რაოდენობებია:

სასმელი ხარისხის წყალი – საბავშვო ბაზი (დღის სწავლებით) 5 ლიტრი დღეში ერთ პირზე გადანგარიშებით (ყველა ბავშვი და საბავშვო ბაზის სრული პერსონალი).

წყლის დამატებითი რაოდენობა/არასასმელი ხარისხის წყალი ჩასარეცხი ტუალეტებისათვის, რომელიც მიერთებულია ცენტრალური წყალმომარაგების სისტემას, 10 - 20 ლიტრი დღეში ერთ პირზე გადაანგარიშებით.

ჩასარეცხი ტუალეტებისათვის, რომელიც თავად მომხმარებლის მიერ (არაავტომატურად) უნდა ჩაირეცხოს, 1.5-3 ლიტრი დღეში ერთ პირზე გადაანგარიშებით.

წყლის ხელმისაწვდომობა და წყალმომარების ტექნიკური საშუალებები: საბავშვო ბაღში საკმარისი რაოდენობითაა სასმელი წყლის წერტილები და წყალმომარების სხვა საშუალებები, რაც უზრუნველყოფს ხელმისაწვდომობას სასმელი წყლისადმი, პერსონალური ჰიგიენისადმი, საკვების მომზადების, დასუფთავებისა და რეცხვისადმი.

ინდიკატორები:

1. სათანადოდ აღჭურვილი წყალმომარების წერტილები, საპონი და ხელის გასამშრალებელი საშუალებები ხელმისაწვდომია საბავშვო ბაღის ყველა კრიტიკულ წერტილში, კონკრეტულად კი - ტუალეტებსა და სამზარეულოში.
2. სათანადოდ აღჭურვილი სასმელი წყლის წერტილები ხელმისაწვდომია ბავშვებისა და საბავშვო ბაღის პერსონალისათვის, მათ შორის - შეზღუდული შესაძლებლობების მქონე პირთათვის.
3. უზრუნველყოფილია არანაკლებ ერთი საშხაპე 20 მომხმარებელზე (ბავშვები და საბავშვო ბაღის პერსონალი მუდმივ შტატში) გადაანგარიშებით. ცალკე საშხაპეები ან განსაზღვრული დროითი გრაფიკი გამოიყენება ბავშვებისა და საბავშვო ბაღის პერსონალისათვის. არანაკლებ ერთი საშხაპისა განკუთვნილია შეზღუდული შესაძლებლობების მქონე პირთათვის.

ჰიგიენის ხელშეწყობა

წყლისა და სანიტარიის საშუალებების სწორად მოხმარება, გამოყენება და მოვლა-პატრონობა უზრუნველყოფს მყარი ჰვევების გამომუშავების ხელშეწყობას.

ინდიკატორები:

1. საბავშვო ბალის საგანმანათლებლო ოროგრამა მოცავს პიგინასთან დაკავშირებულ საკითხებს.
2. დადგებითი პიგინური ჩვევები, მათ შორის, სისტემური აგიტაცია საბავშვო ბალის პერსონალსა და ბავშვებს შორის წყლისა და სანიტარის საშუალებების სწორად მოხმარებას, გამოყენებასა და მათი მოვლა-პატრონობის უნარ-ჩვევების განვითარებისათვის.
3. წყლისა და სანიტარის საშუალებები და მათ მოვლა-პატრონობაზე გამოყოფილი რესურსები საშუალებას აძლევს საბავშვო ბალის პერსონალსა და ბავშვებს, გამოიმუშაონ პრაქტიკული უნარ-ჩვევები გადამდები დაავადებების თავიდან ასაცილებლად მარტივი და მოხერხებული გზით.

ტუალეტები

სათანადოდ აღჭურვილი, მოხერხებული, პრივატული, დაცული, სუფთა და საზოგადოების კულტურული განვითარების დონისათვის შესაფერისი ტუალეტებით სარგებლობა უზრუნველყოფილია ბავშვებისა და საბავშვო ბალის პერსონალისათვის.

ინდიკატორები:

1. სათანადოდ აღჭურვილი ტუალეტები მოწყობილია შემდეგი რაოდენობით – ერთი ტუალეტის ჭიშური ყოველ 10 ბავშვზე და არანაკლებ ერთი ტუალეტისა ბალის პერსონალისათვის.
2. ტუალეტები მოხერხებულია კონსტრუქციული და დაშორების თვალსაზრისით (არაუმეტეს 30 მ-ისა ტუალეტამდე), მათ შორის – შეზღუდული შესაძლებლობების მქონე პირთათვის.
3. ტუალეტებში უზრუნველყოფილია პრივატულობა და დაცულობა.

4. ტუალეტების დიზაინი და კონსტრუქციული გადაწყვეტა შეესაბამება საზოგადოების კულტურული და სოციალური განვითარების დონეს, ასაკობრივ და გენდერულ თავისებურებებს, მოსახერხებელია შეზღუდული შესაძლებლობების მქონე ბავშვებისათვის.
5. ტუალეტები პიგიენურია მოხმარებისათვის და ადვილი – დასასუფთავებლად.
6. ტუალეტებთან ახლოს მოწყობილია მოხერხებული ხელსაბანები.
7. ტუალეტების დასუფთავება და ტექნიკური გამართულობის შემოწმება რუტინულად ხორციელდება და მუდმივად უზრუნველყოფილია სუფთა და ფუნქციონირებადი ტუალეტების ხელმისაწვდომობა.

სასმელი წყლის ხარისხი და სანიტარია ამბულატორიებში

პირველადი ჯანდაცვისათვის აუცილებელი WASH-ის სტანდარტები უნდა ითვალისწინებდეს მისი ფუნქციონირების თავისებურებებსა და პაციენტების საჭიროებებს. სასანავლო დაწესებულებებისაგან განსხვავებით, პირველადი ჯანდაცვის ობიექტების (ამბულატორიების) შემთხვევაში წყლისა და სანიტარია-პიგიენის მიმართ არსებული სტანდარტები არ არის სათანადოდ განერილი და ამ მხრივ მნიშვნელოვანი ხარვეზია. აუცილებელია, ჯანდაცვის სამინისტროს დონეზე განისაზღვროს პირველადი ჯანდაცვის მომსახურების მიმწოდებლების მინიმალური მოთხოვნები WASH-ის სტანდარტების მიმართ.

ამბულატორიულ დაწესებულებებში წყლისა და სანიტარიულ-პიგიენური ნორმების დაცვა მნიშვნელოვანია ნორმკომიური ინფექციების კონტროლის თვალსაზრისითაც. ამ მხრივ არსებობს საქართველოს შრომის, ჯანმრთელობისა და სოციალური დაცვის მინისტრის მიერ 2015 წლის 7 სექტემბრის N 01-38/ნ ბრძანებით დამტკიცებული „ნორმკომიური ინფექციების ეპიდემიური და განვითარების სამსახურის და კონტროლის წესები“, რომლის მე-11 მუხლში მოცემულია მოთხოვნები სამედიცინო ნარჩენების მართვის შესახებ, რაც გათვალისწინებულ იქნა ჩვენი შეფასების პროცესში; კერძოდ:

1. სამედიცინო დაწესებულებაში წარმოქმნილი ნარჩენების მართვა უნდა ხორციელდებოდეს ნარჩენების კლასიფიკაციის, მახასიათებლებისა და შემადგენლობის მიხედვით, ისე, რომ მაქსიმალურად გამოირიცხოს გარემოს დაბინძურება და ადამიანის ჯანმრთელობაზე მავნე ზემოქმედება. ამასთან, უზრუნველყოფილ უნდა იქნეს უსაფრთხო ინერციების პრაქტიკა.
 2. სამედიცინო დაწესებულებაში კანონმდებლობის შესაბამისად უნდა ხორციელდებოდეს სამედიცინო ნარჩენების უსაფრთხო სეგრეგაცია, შეგროვება, შენახვა, გატანა, უტილიზაცია ან/და განადგურება.
- აქვე აღნიშნულია, რომ სამედიცინო დაწესებულებაში კანონმდებლობის შესაბამისად უნდა ხორციელდებოდეს სამედიცინო დანიშნულების საგნებისა და გარემო ობიექტების სტერილიზაცია და დეზინფექცია.

შეფასების ძირითადი მიგნებები და რეკომენდაციები

სკოლები

- WASH-ის შეფასების ყველა მნიშვნელოვანი პრობლემა სკოლების ტუალეტებში არსებულ მდგომარეობას უკავშირდება. შემთხვევათა აბსოლუტურ უმეტესობაში შეფასებული ობიექტების ტუალეტების სანიტარიული მდგომარეობა სრულიად არ პასუხობს წაყენებულ მოთხოვნებს: უმეტეს შემთხვევებში ტუალეტები არ არის მოპირკეთებული, მათ სათანადოდ დასასუფთავებლად. ტუალეტების უმრავლესობაში არ ტარდება დეზინფექცია. ვიზიტების დროს ბევრგან დაფიქსირდა მძიმე ანტისანიტარია. **ამ მხრივ განსაკუთრებით მძიმე მდგომარეობა აღინიშნა ეთნიკური უმცირესობებით დასახლებული სოფლების სკოლებში.**
- აღსანიშნავია, რომ სკოლის ტუალეტებით ხშირად სარგებლობენ არა მარტო მოსწავლეები და პედაგოგები, არამედ სოფლის მოსახლეობაც, რაც განპირობებულია იმ ფაქტით, რომ ბევრი სკოლის ტერიტორია არ არის სათანადო შემოღობილი.
- შეფასებული სკოლების ტუალეტებთან უმეტესად არ არის ხელის დაბანის შესაძლებელი.

ლებლობა, მაგრამ მათი არსებობის შემთხვევაშიც წყლის პუნქტები ტუალეტებისაგან საკმაოდ დაშორებულია, ძირითადად, წყლის დასალევად გამოიყენება და არა ხელის დასაბანად. ამას ადასტურებს ის ფაქტიც, რომ ხელსაბანებთან არ არის საპონი (მყარი ან თხევადი).

- მუნიციპალიტეტის უმეტეს სკოლებში დირექციას არ აქვს ზუსტი პასუხი, თუ როგორია სკოლებში არსებული სასმელი წყლის ხარისხი. სკოლების უმეტე-სობაში სასმელი წყალი ლაბორატორიულად არასოდეს შემოწმებულა. ზოგ შემთხვევაში მიჩნეულია, რომ წყლის ხარისხი კარგია (რადგან წყაროებიდან ან ჭაბურღილებიდან მოედინება). ამავე დროს ისიც უნდა აღინიშნოს, რომ სკოლებში არსებული წყალსადენის მიღების უმეტესობა მოძველებულია, რაც წყლის ბაქტერიული დაბინძურების ან მასში მავნე ნივთიერებების მოხვედრის ალბათობას მნიშვნელოვნად ზრდის. შესაბამისად, რეკომენდებულია, განხორციელდეს წყლის ხარისხის პერიოდული ლაბორატორიული კონტროლი, რათა გამოირიცხოს წყლის მიკრობული/მავნე ნივთიერებებით დაბინძურება და წყალი გახდეს სასმელად ვარგისი.
- ტუალეტებთან და სკოლის შენობებში უნდა მოეწყოს საკმარისი რაოდენობით ხელის დასაბანი პუნქტები (წყლის ონკანი და ნიჟარა), ამასთან, გარკვეული ნაწილი ადაპტირებული უნდა იყოს უმცროსი ასაკის ბავშვებსა და შშმ მოსწავლეებზე. ხელის დასაბან ნიჟარებთან მუდმივად უნდა იყოს საპონი (სასურველია – თხევადი).
- სკოლებში არ არსებობს სპეციალური პროგრამები ჰიგიენის საკითხების სწავლების მიზნით. ზოგადად, ჰიგიენა, ისე, როგორც ჯანსაღი ცხოვრების წესთან და-კავშირებული სხვა საკითხები, ნაკლებად პრიორიტეტულად მიიჩნევა სკოლების უმეტესობაში, რასაც ადასტურებს როგორც სკოლების ხელმძღვანელობასთან ჩატარებული ინტერვიუები, ისე შენობის კედლებზე გამოფენილი მასალები თუ დი-რექციის მიერ წარმოდგენილი სკოლების სტრატეგიული განვითარების გეგმები. ხშირ შემთხვევებში, გეგმებში ერთი წინადადებითაც კი არ არის ნახსენები წყლისა და სანიტარის მხრივ არსებული პრობლემები და მათი გადაჭრის პოტენციური გზები. გარდა ამისა, პედაგოგებს არ გაუვლიათ სპეციალური გადამზადება/ტრენინგი ჰიგიენის საკითხებში. ვიზიტების დროს სკოლებში ერთეულ შემთხვევებში თუ აღმოჩნდა რაიმე ბეჭდური საინფორმაციო მასალა (ლიფლები, ბუკლეტი, ბროშურა) აღნიშნულ თემაზე. სკოლების ძალზე მცირე ნაწილს ჰყავს თავის შტატში სკოლის ექიმი, რომელსაც შეეძლო ამ მიმართულებით მდგომარეობის გარკვეულწილად გაუმჯობესება.



- სასურველია, საინფორმაციო მასალა, ქართულის გარდა, დაიბეჭდოს ეთნიკური უმცირესობების ენებზე. ბეჭდურ მასალასთან ერთად, მიზანშეწონილია სანიტარია-ჰიგიენის თემებზე სატელევიზიო და რადიოგადაცემების მომზადება და აქტივობები სოციალურ ქსელებში/ინტერნეტშესაძლებლობების ფართოდ გამოყენებით (სპე-ციალური ვებ-გვერდი, ბლოგები, თემატური პოსტები, Q & A, და სხვ.).
- შეფასებულ სკოლებში ბუფეტი ან საერთოდ არ ფუნქციონირებს (უმეტეს ნაწილში) ან არსებობს შემთხვევაში არაჯანსაღი საკვები იყიდება. ეს პრობლემა სისტემურ ხასიათს ატარებს და საჭიროა, შესაბამისი უწყებების მხრიდან (პროფილური სამინისტროები, დაავადებათა კონტროლისა და საზოგადოებრივი ჯანმრთელობის ეროვნული ცენტრი) დროულად იქნეს მიღებული ზომები. ინტერვენციები უნდა ითვალისწინებდეს როგორც მოსწავლეთა ცნობიერების ამაღლებას ჯანსაღი კვებისა და კვების ჰიგიენის საკითხებზე, ასევე მათი ჯანსაღი საკვებით უზრუნველყოფას.
- ჰიგიენური აღზრდისა და სათანადო უნარ-ჩვევების გამომუშავებისათვის ეფექტური იქნება ბავშვთა თვითშემოქმედების წახალისება/განვითარება (საბავშვო სპექ-ტაკლების/სკერჩების მომზადება ჰიგიენურ თემებთან დაკავშირებული პიესების ინსცენირებით. დერეფნების კედლებსა და იატაკზე, ასევე ეზოებში და ღია სასკოლო ტერიტორიებზე სლოგანის ტიპის თემატური წარწერების თუ წარტების განთავსება და სხვ.).
- შეფასებული სკოლების ნაწილში მყარი წარჩენების გადაყრა ან დაწვა ხდება სკოლის ტერიტორიაზე ან მასთან ახლოს მდებარე არალეგალურ ნაგავსაყრელზე. უმეტეს შემთხვევებში სკოლის ტერიტორიასთან ახლოს არ დგას ნაგვის ურნები და არ ხდება ნაგვის გატანა შესაბამისი მუნიციპალური სამსახურის მიერ. ყოველივე ეს ქმნის ანტისანიტარიის საკმაოდ მნიშვნელოვან კერებს სკოლების ტერიტორიებზე ან მათთან ახლოს, რაც სერიოზულად ზრდის სხვადასხვა ინფექციური დაავადების გავრცელების რისკებს.
- სკოლების მენეჯმენტს არ გააჩნია სათანადო ინფორმაცია წყლის მიწოდების ფუნქციონირების შენარჩუნებასა თუ სისტემის დაზიანების დროულ შეკეთებაზე პასუხისმგებელი ორგანიზაციების შესახებ. ეს ასევე შეეხება სანიტარიულ მდგომარეობაზე პასუხისმგებელი ორგანიზაციების შესახებ ინფორმაციას. WASH სისტემის ოპერირებაზე პასუხისმგებლობების საკითხი, ზოგადად, ბუნდო-ვანია შეფასებული სკოლების დირექტორების უმეტესობისათვის, რაც მნიშვნე-ლოვანწილად განაპირობებს კიდეც სისტემის არასათანადოდ გამართულობასა და არსებულ ხარვეზებს.

- შეფასების პროცესში ძნელი იყო დადგენა, თუ რამდენად პირდაპირია კვშირი სკოლაში ბავშვების დასწრება/მოსწრებასა და არსებულ WASH-ის პრობლემებს შორის. სკოლის დირექტორი ამის შესახებ არ ფლობდა ზუსტ ინფორმაციას – არც შესაბამისი მონაცემები პქონდა და არც არასოდეს დაინტერესებულა ამ საკითხით. თუმცა როგორ შემთხვევებში მოსწავლეებთან პირადი გასაუბრებისა და საერთაშორისო გამოცდილების საფუძველზე შეიძლება დაგასკვნათ, რომ წყალსა და სანიტარიასთან დაკავშირებული პრობლემები უარყოფით ზეგავლენას ახდენს ბავშვების ჰანმრთელობასა და, შედეგად, მათი სკოლაში დასწრებასა თუ სწავლის ხარისხზე.
- იგივე შეიძლება ითქვას შეზღუდული შესაძლებლობის მქონე ბავშვებთან მიმართებაში. შემოწმებულ სკოლებში მათი რაოდენობა უმნიშვნელო აღმოჩნდა, რაც შეიძლება გამოწვეული იყოს სათანადო პირობების (მათ შორის, WASH-ის თვალსაზრისით) არარსებობით. ამის გამო ბევრი მშობელი იძულებულია, არ გაუშვას ბავშვი სკოლაში, ან შესაძლებლობის შემთხვევაში, საერთოდ, დატოვოს სოფელი და საცხოვრებლად თბილისში (ან რომელიმე დიდ ქალაქში) გადავიდეს, სადაც სკოლის გარემო შედარებით ადაპტირებულია შშმ ბავშვებზე და სპეციალურ სერვისებზეც ხელმისაწვდომობა გაცილებით მეტია.

საბავშვო ბაღები

- ზოგადად, შეფასებული ობიექტებიდან საბავშვო ბაღებში ყველაზე მეტად იყო დაცული WASH-ის სტანდარტები. ამის ერთ-ერთი მიზენი, შესაძლოა, იყოს ბაღებში სურსათის ეროვნული სააგენტოს სისტემური მონიტორინგი და დარღვევების შემთხვევაში სათანადო ზომების დროული გატარება. თუმცა აქვე უნდა აღინიშნოს, რომ შეფასებული მუნიციპალიტეტების ნაწილში საბავშვო ბაღები ან საერთოდ არ იყო (მაგ., წალკის მუნიციპალიტეტის სოფლებში), ან თუ ფუნქციონირებდა, მეტად შეზღუდული რაოდენობით.
- მიუხედავად ამისა, შეფასების პროცესში გამოვლინდა საბავშვო ბაღები, რომელებშიც დარღვეული იყო WASH-ის სტანდარტები. ეს ეხება განსაკუთრებით სანიტარიული კვანძის მოწყობის საკითხს. ბაღების ნაწილში ტუალეტი შენობაში არ არის ხელმისაწვდომი და არ არის ადაპტირებული მცირე ასაკის ბავშვებზე. იმ შემთხვევაში, როდესაც ტუალეტები საბავშვო ბაღის ეზოშია მოწყობილი,

პრობლემურია ხელსაბანების საკითხი. როგორც წესი, ასეთ შემთხვევებში ხელ-საბანები ტუალეტებში ან მათთან ახლოს არ არის.

- სკოლების მდგომარეობის ანალოგიური დასკვნის გაკეთება შეიძლება საბავშვო ბაღებში ბავშვების დასწრება/გაცდენასა და WASH-ის მხრივ არსებული პრობლემების შესახებ. განსაკუთრებით მწვავედ დგას ეს საკითხი შემ ბავშვების შემთხვევაში.
- მნიშვნელოვანია, მომზადდეს ჰიგიენის საკითხებზე საინფორმაციო-საგანმანათლებლო მასალები და მიენოდოს საბავშვო ბაღებს იმ ფორმით, რომ მათ შეძლონ ამ მასალის გამოყენება. მასალა უნდა იყოს სათანადოდ ილუსტრირებული და ადგილად აღსაქმელი ბაღის ასაკის ბავშვებისათვის. ამასთან, საჭიროა ბაღის აღმზრდელების გადამზადება, რათა მათ შეძლონ WASH-ის საკითხების მნიშვნელობის უკეთ გაგება და ჰიგიენის სათანადო დონეზე სწავლება.

ამბულატორიები

- ამბულატორიებთან მიმართებით შესაბამისი სახელმწიფო უწყების მხრიდან მნიშვნელოვანია ცალკე ნორმატიული აქტის შემუშავება, რომელიც დააწესებს წყლისა და სანიტარია-ჰიგიენის მინიმალურ სტანდარტებს.
- სოფლის ამბულატორიების სამედიცინო პერსონალს ხელშეკრულებას უფორმებს სოციალური მომსახურების სააგენტო. შეფასების პროცესში სოციალური მომსახურების სააგენტოდან გამოთხოვილ იქნა ხელშეკრულების ნიმუში, რომელიც აბსოლუტურად არ ასახავს რეალობას და მხოლოდ ფორმალურ ხასიათს ატარებს. მაგალითად, ექიმების ანბზღაურება დაბეგვრის შემდეგ შეადგენს 520 ლარს, ხოლო ექთნებისა – 364 ლარს, თუმცა ეს თანხები არ წარმოადგენს სამედიცინო პერსონალის რეალურ ხელფასებს. მიღებული შემოსავლით მათ უწევთ ამბულატორიის ფუნქციონირებასთან დაკავშირებული სხვადასხვა ხარჯის გაღება. მაგალითად, კომუნალური გადასახადების გადახდა, „ექიმის ჩანთის“ პერიოდულად შევსება, საჭირო მასალის შესყიდვა, სანიტარიაზე ზრუნვა თუ სხვადასხვა დაზიანების დროული აღმოფხვრა. ნათელია, რომ ამგვარი მოწყობისა და დაფინანსების პირობებში შეუძლებელია, სოფლის ამბულატორიებმა სათანადოდ შეასრულონ თავიანთი ფუნქციები, რასაც არსებული რეალობა კარგად ადასტურებს.

- სამიზნე მუნიციპალიტეტში სოფლის ამბულატორიების უმეტესი ნაწილი ძალზე მძიმე მდგომარეობაშია (და არა მხოლოდ WASH-ის თვალსაზრისით). ამბულატორიების უმეტესი ნაწილი საქექიმო საქმიანობისათვის შეუფერებელ შენობებშია განთავსებული, რომლებიც ამორტიზებულ მდგომარეობაშია და ელემენტარული პირობები არ გააჩნია პაციენტთა სათანადო მომსახურების უზრუნველსაყოფად. შენობების უმეტესობა ასევე არ არის ადაპტირებული შემ პირებზე და მათ ნაწილს არ მიენოდება ელექტროენერგია. შეიძლება ითქვას, რომ პირველადი ჭანდაცვის სერვისები სოფლების უმრავლესობაში, ფაქტობრივად, ხელმისაწვდომი არ არის, რასაც ნათლად ადასტურებს პაციენტთა დაბალი მიმართვიანობა.
- ამბულატორიებში არსებულ მძიმე მდგომარეობას მნიშვნელოვანნილად განაპირობებს დაფინანსების არსებული სისტემა და სოფლის ექიმების სტატუსი. ამბულატორიების ექიმები წარმოადგენებს ფიზიკურ პირებს, რომელთაც საკუთრივ არანაირი ქონება არ გააჩნიათ. უმეტესწილად ისინი შეხიბნული არიან ადგილობრივი თვითმმართველობის დაქვემდებარებაში მყოფ შენობებში, რომელთა დიდი ნაწილი მოქველებული და ამორტიზებულია. ექიმებს არ აქვთ ინტერესი, რომ იზრუნონ ამბულატორიის სათანადო მოვლაზე, აღჭურვასა და განახლებაზე. შეფასებამ აჩვენა, რომ თუ ექიმი იმავე სოფლის მკვიდრია, პაციენტთა დიდი ნაწილი მას საკუთარ საცხოვრებელ სახლში აკითხავს და ასევე ექთანს. სათანადო ხელშეწყობის შემთხვევაში, გაცილებით მიზანშეწონილი იქნებოდა, ექიმს საკუთარ სახლში გამოეყო ამბულატორიისათვის შესაბამისი ფართობი. ასეთ შემთხვევაში შენობის მოვლა და სათანადო სანიტარიული პირობების დაცვა გაცილებით გაადგილდებოდა და ადგილობრივ თვითმმართველობასაც აღარ მოუწევდა სტანდარტების შესაბამისი ფართობის მოძიება (რომელიც, როგორც აღმოჩნდა, სოფლებში ძალზე პრობლემურ საკითხს წარმოადგენს).
- არსებული პრობლემებიდან გამომდინარე, დაფიქსირდა მრავალი შემთხვევა, როდესაც ექიმები ამბულატორიებში ფაქტობრივად არ ან ვერ მუშაობენ და პაციენტებს საერთოდ არ აქვთ ხელმისაწვდომობა პირველადი ჭანდაცვის სერვისებშე. ზოგ შემთხვევაში კი მათ უწევთ რაიონულ ცენტრში ჩასვლა სამედიცინო მომსახურების მისაღებად, რითაც დარღვეულია პირველადი ჭანდაცვის ძირითადი პრინციპი - კერძოდ, ადვილი და სწრაფი ხელმისაწვდომობა ჭანდაცვის სერვისებზე და დაავადებათა დროული პრევენცია.
- აღსანიშნავია, რომ სოფლების მოსახლეობის დიდი ნაწილი სოციალურად დაუცველია. შესაბამისად, მათ მძიმე ტვირთად ანევთ რაიონულ ცენტრში წასვლა. სავარაუდოდ, ამის გამო ბევრი მათგანი ვერ ახერხებს ოჯახის ექიმთან დროულ ვიზიტს და მას აკითხავს მხოლოდ ჭანმრთელობის მდგომარეობის მნიშვნელოვნად

დამძიმების შემთხვევაში, ან პირდაპირ სასწრაფო სამედიცინო დახმარებით სარგებლობს (უმეტეს შემთხვევებში). აღნიშნული პრაქტიკა კი განაპირობებს როგორც მოსახლეობის ჯანმრთელობის მდგომარეობის გაცილებით ცუდ გამოსავალს, ასევე მნიშვნელოვნად უწყობს ხელს ჯანდაცვაზე დანახარჯების ზრდას. ზოგადად, ცნობილია, რომ ჯანდაცვის ის სისტემები, რომლებიც გადაუდებელ სამედიცინო მომსახურებას იყენებენ პირველადი ჯანდაცვის ნაცვლად, ძალზე არაეფექტურიანობით გამოირჩევიან.

- განსაკუთრებით მწვავედ დგას ხელმისაწვდომობის პრობლემა წლის ცივ პერიოდში, როდესაც გადაადგილება უფრო გართულებულია. ასევე მნიშვნელოვან პრობლემას წარმოადგენს ამბულატორიების გათბობის საკითხი ზამთრის პერიოდში. აღსანიშნავია, რომ თავად პერსონალს უწევს ამბულატორიის შენობის გათბობაზე ზრუნვა, რაც საკმაოდ პრობლემურია, მათი მნირი შემოსავლებიდან გამომდინარე. შედეგად, ბევრი ისეთი ამბულატორია, რომელიც მოქმედია წლის თბილ პერიოდში, ზამთრის განმავლობაში ან არ ფუნქციონირებს, ან დღის განმავლობაში ხელმისაწვდომია მხოლოდ დროის ძალზე შეზღუდულ მონაკვეთში.
- სკოლების მსგავსად, ამბულატორიებს არ აქვთ ჰიგიენის საკითხებზე საინფორმაციო მასალები მოსახლეობაში გასავრცელებლად. ყოველივე ეს განაპირობებს დაბალ ცნობიერებას WASH-ის საკითხების მნიშვნელობასა და აქტუალურობაზე, რასაც კარგად ადასტურებს სამიზნე დასახლებებში არსებული მძიმე ვითარება.
- ამბულატორიების შემთხვევაში ყველაზე მეტად არის გაურკვეველი პასუხისმგებლობები WASH-ის საკითხებზე. პერსონალის უმეტესობის აბრით, ამბულატორიაში წყლისა და სანიტარიული სისტემების მოწყობაზე, მათ შენარჩუნებასა და დაზიანებების დროულ აღმოფხვრაზე პირველადი პასუხისმგებლობა ადგილობრივ მუნიციპალურ სამსახურებს აკისრია. თუმცა აღნიშნული სამსახურები თავიანთ ფუნქციას არასათანადოდ ასრულებენ, ამბულატორიის პერსონალს კი მნირი შემოსავალი აქვს არსებულ პრობლემებთან გასამკლავებლად.

კოლექტური საცხოვრებელი

მიუღებელია არსებულ პირობებში მცხოვრებთა პრობლემებთან სათანადო დახმარების გარეშე დატოვება. საჭიროა არსებულ შენობაში სათანადო საცხოვრებელი პირობების შექმნა ან მათი გადაყვანა სხვა საცხოვრებელ გარემოში, სადაც უზრუნველყოფილი იქნება შესაბამისი სანიტარიულ-ჰიგიენური პირობები.



პირობების გაუმჯობესებაში იგულისხმება:

- შენობის დაუყოვნებლივ გასუფთავება საავადმყოფოს ნარჩენებისაგან და კედ-ლების სათანადო განმენდა-დამუშავება (დასუფთავების სპეციალიზებული სამსახურის მიერ და არა თვითნებურად).
- სასმელად ვარგისი წყლის დებიტის ზრდა და საჭირო რაოდენობით (უწყვეტი რეჟიმით) მიწოდება.
- საკანალიზაციო და სადრენაჟო სისტემის მოწესრიგება და გამართული ფუნქციონირების უზრუნველყოფა.
- ბინებში საცხოვრებელი (პიგიენური) პირობების გაუმჯობესება ოთახების შეკეთება, წყლის შეყვანა, ტუალეტითა და ხელის დაბანის შესაძლებლობებით/“სველი წერტილებით” და სათანადო გათბობით უზრუნველყოფა (მაგ., გაზის შეყვანა ბინებში) და სხვ.).
- შენობის სახურავის შეკეთება.

მნიშვნელოვანია თავშესაფრის მცხოვრებთა მმართველი კომიტეტის ჩამოყალიბებაში ხელშეწყობა. ასეთ შემთხვევაში მცხოვრებთა წინაშე არსებული პრობლემების გადაწყვეტა უფრო ორგანიზებულ და მიზანმიმართულ ხასიათს მიიღებს. აღნიშნული კომიტეტი გაცილებით ეფექტიანად შეძლებდა თავშესაფრის წინაშე არსებული პრობლემების სათანადო ორგანიზაციებში დაყენებასა და მათ დროულად მოგვარებას.

მცხოვრებთა ინფორმირება და ცნობიერების ამაღლება პირადი პიგიენისა და ჰანსალი ცხოვრების წესთან დაკავშირებულ საკითხებში, სათანადო მასალისა და შესაძლებლობების გამოყენებით.

საჭიროა ადგილობრივი მუნიციპალიტეტის ტექნიკური მხარდაჭერა, მიგრანტთა თუ სოციალურად დაუცველი/უსახლეობრივი მოსახლეობისათვის სათანადო სანიტარიულ-ჰიგიენური პირობების მქონე საცხოვრებელი ფართობით უზრუნველყოფის საკითხის უკეთ შესწავლისა და გადაწყვეტის მიზნით.







**#EU4Georgia
#WaSH4Georgia**



გამაყობთ მრავალფეროვნებით!

cenn.org
environment.cenn.org
დაგვიმეგობრდი: ThinkNaturally